



# PODACI O PROJEKTU

Bosna i Hercegovina Januar 2017. godine

## PROGRAM ZA UPRAVLJANJE DUGOM (DEBT MANAGEMENT FACILITY -DMF)

### OSNOVA

Upravljanje dugom je od ključnog značaja za snažne javne finansije i makroekonomsku stabilnost. Pažljivo upravljanje dugom ne može spriječiti nesolventnost vlade, ali može smanjiti troškove i rizike zaduživanja, te povećati otpornost na poremećaje.

Zemlje u razvoju suočene su sa značajnim izazovima u pogledu ispunjavanja velikih razvojnih potreba i zadržavanja održivog stanja duga. Tokom posljednje decenije, putem unapređenja politika i izgradnje kapaciteta, ostvaren je određeni napredak u smanjenju osjetljivosti vezanih za zaduživanje. Mnoge zemlje u razvoju su također dobile značajnu podršku za smanjenje duga u okviru Inicijative za visoko zadužene siromašne zemlje (eng. Heavily Indebted Poor Countries (HIPC) Initiative) i Multilateral Debt Relief Initiative (MDRI), čime su smanjeni ukupni dugovi i otvoren novi prostor za zaduživanje. Međutim, ograničenja u pogledu kapaciteta su i dalje značajna u zemljama sa niskim prihodima, a osiguranje dugoročne održivosti zaduženosti ostaje izazov. Upravljanje dugom također postaje sve složenije jer zemlje ostvaruju pristup novim vanjskim i unutrašnjim izvorima finansiranja, te postaju u većoj mjeri izložene međunarodnim tržištima kapitala.

Program upravljanja dugom (DMF) pokrenut je 2008. godine kako bi se dopunio program rada Svjetske banke usmjeren na rješavanje sve većih potreba i novih izazova post-HIPC zemalja klijenata Banke. DMF nadopunjuje druge inicijative za upravljanje dugom (kao što je DMFAS) putem usmjeravanja na razvojnu pomoć. U okviru druge faze programa, inicijativu zajedno provode Svjetska banka i MMF.

### CILJEVI I AKTIVNOSTI

Sveobuhvatani cilj DMF-a je doprinijeti održivim javnim finansijama i održivosti duga putem jačanja kapaciteta i institucija za upravljanje dugom, posebno u zemljama sa niskim prihodima.

Inicijativa ima sljedeće specifične ciljeve: (1) sistematična procjena upravljanja dugom uz primjenu alata Ocjena učinka u upravljanju dugom (DeMPA)<sup>1</sup>, (2) izrada planova reforme upravljanja, (3) tehnička pomoć za izradu strategija srednjoročnog upravljanja dugom (eng. Medium-Term Debt Management Strategies - MTDS), (4) obuka regionalnih aktera zaduženih za upravljanje dugom i organa vlasti u zemljama u oblasti korištenja DeMPA i MTDS alata i primjene Analize održivosti duga, (5) jačanje upravljanja dugom na nižim nivoima vlasti, (6) uspostava domaćih tržišta duga, (7) savjeti za izdavanje instrumenata na međunarodnim tržištima kapitala, (8) jačanje kapaciteta za upravljanje rizicima (9) promoviranje razmjene znanja i učenja između profesionalaca koji rade u oblasti upravljanja dugom.

### UPRAVLJAČKA STRUKTURA

DMF je program grantova koji se finansira putem fonda u kojem učestvuje više donatora, a kojim administrativno upravlja Svjetska banka. Programom upravlja Upravni odbor kojeg čine bilateralni donatori, Svjetska banka, Evropska

unija i MMF. Upravnom odboru podršku pruža Grupa stručnjaka čija uloga je osigurati kvalitetu i relevantnost DMF aktivnosti. DMF aktivnosti provodi Svjetska banka, MMF ili ove dvije institucije zajedno, a u saradnji sa partnerima za provedbu uključujući CEMLA, Sekretarijat Komonvelta, DRI, DMFAS, MEFMI, i WAIFEM. Inicijativom upravlja sekretarijat programa.

### DOSADAŠNJI REZULTATI

Od pokretanja programa 2008. godine do juna 2015. godine, DMF je proveo misije u 77 zemalja i obavio 83 DeMPA misije, 57 MTDS misija i 43 misije u oblasti plana reforme. Program je obučio preko 800 profesionalaca. Stoga je DMF dao značajan doprinos jačanju kapaciteta za upravljanje dugom na nivou pojedinaca i institucija

### KAKO SE UKLJUČITI

DMF prati pristup usmjeren na potražnju. Otvoren je za sve zemlje sa niskim prihodima (prema klasifikaciji Svjetske banke i MMF-a). Da bi dobile podršku zemlje moraju podnijeti zahtjev direktno DMF sekretarijatu.

ZEMLJA / REGIJA: Globalni nivo (zemlje sa niskim prihodima)

PARTNER: Svjetska banka, MMF

DONATORI: AfDB, Austrija, Belgija, Kanada, EK, Njemačka, Nizozemska, Norveška, Švicarska

TRAJANJE: 2013. do 2019. godine

UKUPNI BUDŽET: 40 miliona USD (predviđeni potrebni iznos za finansiranje)

DOPRINOS SECO-A: 6,5 miliona USD

1) DeMPA je standardizirani instrument za ocjenu učinka u upravljanju dugom na osnovu svouhvatnog skupa pokazatelja koji obuhvataju sve aktivnosti vlade u oblasti upravljanja dugom. Predstavlja razradu PEFA metodologije.

### FURTHER INFORMATION AND CONTACT DETAILS

Internet stranica:  
<http://go.worldbank.org/5YFASLOIA0>

DMF u Državnom sekretarijatu za ekonomske poslove (SECO):  
Tel.: +41 31 324 07 94  
Email: [wemu.sekretariat@seco.admin.ch](mailto:wemu.sekretariat@seco.admin.ch)

State Secretariat for  
Economic Affairs SECO  
Holzikofenweg 36  
CH-3003 Bern  
Tel. +41 58 462 56 56  
Fax +41 58 462 27 49  
[www.seco.admin.ch](http://www.seco.admin.ch)

Ambasada Švicarske u Bosni i Hercegovini  
Zmaja od Bosne 11, Zgrada RBBH, objekat B  
BiH-71000 Sarajevo  
Tel. +387 33 27 58 50, +387 33 25 40 30  
Fax +387 33 57 01 20  
E-Mail: [sar.vertretung@eda.admin.ch](mailto:sar.vertretung@eda.admin.ch)  
[www.eda.admin.ch/bosnia-and-herzegovina](http://www.eda.admin.ch/bosnia-and-herzegovina)